

Oqaluuserisassanut nassuiaat.

(Inatsisartut Siulittaasuata)

Inatsisartut Siulittaasuata novembarip ulluisa aallaqqaataanniit napparsimalluni sulinngiffeqarnissaa siulittaasoqarfiup akuerisimavaa. Sulinngiffeqarnerup 2018-imi februaarip ulluisa aallaqqaataata tungaanut ingerlanissaa naatsorsuutigineqarpoq. Inatsisartut siulittaasuata tullia siulleg Mimi Karlsen siulittaasup napparsimanerani siulittaasutut atuutissaq.

Tamatumunnga oqaasissaqartoqarnerluni?

Taamaattoqarpasinngilaq.

Ilaqtariinnermut Peqqissutsimullu Ataatsimiititaliaq qinnuteqarpoq oqaluuserisassani immikkoortup 101-ip aappassaaneerneqarnissaata 9. novemberimut kinguartinneqarnissaannik. Immikkoortoq ullumi 6. november aappassaaneerneqartussaagalarpoq.

Imm. 101-ip qulequtaraa: Siunnersuut uunga: Imigassaq pillugu Inatsisartut inatsisaat nr. xx, xx. xx 2018-imeersoq.

Inatsisinut Ataatsimiititaliaq qinnuteqarpoq oqaluuserisassani immikkoortup 48-p aappassaaneerneqarnissaata UPA2018-imut kinguartinneqarnissaannik.

Imm. 48-p qulequtaraa: 1. januar 2018-miit atuutilersumik inatsisinut nalunaarutit atuutinneqalernissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut.

Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq oqaluuserisassani immikkoortup 126 aappassaaneerneqarnissaata pingajussaaneerneqarnissaatalu kinguartinneqarnissaannik qinnuteqarpoq. Immikkoortoq maanna ulloq 13. november aappasaaniigassanngortinneqarpoq, 16. novemberilu pingajussaaneerneqassalluni.

Imm. 126-ip qulequtaraa: Uunga siunnersuut: Meeqqanut atuartunut perorsaanikkut ineriikkiartuutaasunik sunngiffimmi neqeroorutit pillugit Inatsisartut inatsisaat nr. xx, xx. xxx 2017-imeersoq.

Aningaasaqarnermut Akileraartarnermullu Ataatsimiititaliaq qinnuteqarpoq oqaluuserisassani immikkoortup 53-ip UPA2018-imut kinguartinneqarnissaannik.

Imm. 53-ip qulequtaraa: Ingerlatseqatigiiffiit tamakkiisumik killilimmillu akileraartussaataasut il.il. akileraarutaasa ulloq 1. januar 2019 aallarnerfigalugu 20

procentimut appartinneqarnissaanut isertitanut akileraarut pillugu inatsisip allannguutissaanik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

Sanaartornermut Ataatsimiititaliaq qinnuteqarpoq oqaluuserisassani immikkoortut 104 aamma 105 aappassaaneerneqarnissaasa pingajussaaneerneqarnissaasalu kinguartinneqarnissaannik. Immikkoortut maanna ulloq 13. november aappassaaniigassanngortinneqarput, ullorlu 16. november pingajussaaneerneqassallutik.

Imm. 104-p qulequtaraa: Uunga siunnersuut: Piginneqatigiilluni inissiat pillugit Inatsisartut inatsisaat nr. xx, xx. xxx 2017-imeersoq.

Imm. 105-ip qulequtaraa: Uunga siunnersuut: Iluliortiternernut aningaasalersuineq pillugu Inatsisartut inatsisaat nr. xx, xx. xxx 2017-imeersoq.

Kultureqarnermut, Ilinniartitaanermut, Ilisimatusarnermut Ilageeqarnernullu Ataatsimiititaliaq qinnuteqarpoq oqaluuserisassani immikkoortut 53 aamma 113 aappassaaneerneqarnissaasa 13. novemberimut kinguartinneqarnissaannik.

Imm. 58-p qulequtaraa: Timersortartut nuna tamakkerlugu unammisartut peqataanerisa taakku sulliviinnut imaluunniit ilinniarnernannut sapinngisamik ajoqutaasinnaasumik

kinguneqaqqunagu qanoq iliorluni timersortartut nuna tamakkerlugu unammisartut atugaat pitsanngorsarneqarsinnaanersut misissoqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Kalaallit Nunaanni Timersortartut Kattuffiat, immikkut kattuffiit kiisalu allat susasaqartut soqutigisaqaqatigiit misissuineranut UKA2018 tikitsinnagu Inatsisartunut agguaanneqartussamut peqataatinneqassapput.

Imm. 113-ip qulequtaraa: Meeqqat atuarfianni immikkut ittumik atuartitsisarneq aammalu allamik immikkut perorsaanikkut ikiorsiisarneq pillugu Namminersornerullutik Oqartussat nalunaarutaanni nr. 22, 23. juli 1998-imeersumi aalajangersakkat, Atuarfik pillugu Inatsisartut inatsisaannut nr. 15, 3. december 2012-imeersumut, tassunga kingusinnerusukkat allannguutaasimasinnaasut ilanngullugit, naapertuuttunngortillugit iluarsineqarnissaanik Naalakkersuisut peqquneqarnissaannik Inatsisartut aalajangiiffissaattut siunnersuut.

Inuussutissarsiornermut Aatsitassanullu Ataatsimiititaliaq qinnuteqarpoq oqaluuserisassani immikkoortut 26 aamma 184 aappassaaneerneqarnissaasa UPA2018-imut kinguartinneqarnissaannik.

Imm. 26-ip qulequtaraa: Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2017-imeersoq.

Imm. 184-ip qulequtaraa: Ilanngussaq A-mi saqqummiunneqartut aallaavigalugit Sanaartornermi ilinniartoqarneq pillugu Namminersorlutik Oqartussat Nalunaarutaat nr. 10, 12. juli 2010-meersup nalimmassarneqarnissaanik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut.

Inatsisinut Ataatsimiititaliaq qinnuteqarpoq oqaluuserisassani immikkoortut 21, 22 aamma

106 aappassaaneerneqarnissaasa kinguartinneqarnissaannik.

Oqaluuserisassani immikkoortoq 21 ulloq 16. november aappassaaneerneqassaaq,
immikkoortoq 22 UPA2018-imi aappassaaneerneqassaaq,

immikkoortoq 106-ilu ulloq 9. november aappassaaneerneqassalluni

Imm. 21-p qulequtaraa: Kalaallit Nunaanni pinerluttulerinermi inatsisip
allanngortinneqarneranik inatsisissatut siunnersuummut missingiummut
Namminersornerullutik Oqartussat isumaqataanissaat pillugu Inatsisartut
aalajangiiffigisassaattut siunnersuut (Kinguaassiuutitigut pinerluttarneq il.il.)

Imm. 22-p qulequtaraa: Kalaallit Nunaanni pinerluttulerinermi inatsisip aamma Kalaallit
Nunaanni eqqartuussisarnermik inatsisip allanngortinneqarnerinik inatsisissatut
siunnersuummut missingiummut Namminersornerullutik Oqartussat isumaqataanissaat
pillugu Inatsisartut aalajangiiffigisassaattut siunnersuut (Killiligaanngitsumik
pineqaatissinneqarsimasut il.il. inissinneqartarnerat)

Imm. 106-ip qulequtaraa: Uunga siunnersuut: Kommunit aqunneqarnerat pillugu Inatsisartut
inatsisaat nr. xx, xx. xxx 2017-imeersoq.

Ilaqutariinnermut Peqqissutsimullu Ataatsimiititaliaq qinnuteqarpoq oqaluuserisassani
immikkoortup 19-ip aappassaaneerneqarnissaata ulloq 9. novemberimut
kinguartinneqarnissaanik.

Imm. 19-ip qulequtaraa: Uunga siunnersuut: Isumaginnittoqarfiup aqunneqarnera
aaqqissuussaaneralu pillugit Inatsisartut peqqussutaata allanngortinneqarnissaa pillugu
Inatsisartut inatsisaat nr. xx.xxx 2017-imeersoq.